

4158

114

281.6

U-98

1970

1942 (114)

Ամբ. Գ. Գրիգոր

ՄԵՐ ՀԱՄԵՍՏ ՊԱՏԱՍԽԱՆԸ.

Երևանոյ սր. Ս. Գրիգոր Լուսատրիչ Մայր Եկեղեցւոյ նախկին Երեցփոխ պարոն Դ. Պոպովին իւր № 9-ն հաշուետետրի առթիւ յընթացս 1909 թուի տպուած ներկայ 1910 թ. Դեկտեմբեր ամսում պարոն Է. Տէր. Գրիգորեանցի տպարանում:

281.6
U-98

Կ-5 Կ47

280
1011-ՍՈՒ

281.6
Ս-98


ՅԵ



ՄԵՐ ՀԱՐԵԱՏ ՊԱՏՈՍԻԱՆԸ.

Երեւանոյ սր. Ս. Գրիգոր Լուսաւորիչ Մայր Եկե-
զեցոյ նախկին Երեցփոխ պարոն Դ. Պոպովին
հր № 9-ն հաշուետետրի առթիւ յընթացս 1909
թուի տպուած ներկայ 1910 թ. Դեկտեմբեր ամ-
սու պարոն Է. տէր. Գրիգորեանցի տպարանում:

12012



11465

Յ Ե Ռ Ե Հ Ե Ր Ե Ն

Աշխարհում իւրաքանչիւր բոյս ու կենդանի կերակրւում է իրեն յատուկ բնիկ կերակրով: Մարդն է միայն, որ կերակրւում է բուսական ու կենդանական հարստութիւնները անխտիր վայելելով:

Մտակեր կենդանիները կռուող, գիշատող, անողորմ ու արիւնարբու են: Խոտակեր կենդանիք այդպիսի հակումն չ'ունեն: Նորա հեզ, մարմաջիւն, շողմբոր ու ընտել բնաւորութեամբ դուրեկան են մարդկանց: Մարդն է միայն, որ կենդանական ու բուսական հարստութիւններով իւր մարմնակազմի լրութիւնն է բովանդակում խառն բնուորութեամբ, որով արտաբերւում է մարդը իւր հոգւայ խառը կրքեցով, այն է, կռուող, գիշատող, անողորմ, արիւնարբու, հեզ, մարմաջիւն, ընտել ու շողմբոր: Որք որոշ մամնդների ժամանակ՝ ին՛չ ե ին՛չ կենդանիք բարուց նմանուելը ակնյայտնի կերպով ցոլացւում է: Նախապատմական մարդիք այդպէս չ'էին: Նորա մտակերութիւն չ'ըզիտէին, բուսական հարստութիւնից վայելում էին այնպիսիները, որոնք գրգիւններ յարուցանելու զօրութիւն չ'ունէին: Նախապատմական մարդկանց ոսկեայ ժողովուրդ անունով են կնքել երջանկայիշատակ պատմաբանները Պլուտարքոս, Նասիրիոս, Անիքսամանդը, Սանքանեաթոյն եայլն: Հիւսիսային մարդիք մտակերներ են ու կռուարար, արիւն վոթող, պատերազմող, անժուժկալ, անմարդասէր, անողորմ: Իսկ հարաւային մարդիք ընդ հակառակը, որովհետեւ սակաւ մտակերներ են: Մենք չ'պիտի զարմանանք, որ մեզանում առ հասարակ մեր առօրեայ կենցաղի գոր-

5103

ծերը գնում են հակառակ լաւագոյն ցանկութիւններէ,
շնայելով որ գործերի հակառակ ընթացքը մենք ենք ստեղ-
ծում: Հանդարտ ապրելը մեր մարմնակազմի և հոգւոյ
չուքը չ'ի ընդունում. որովհետեւ ամեն օր միս ենք կըծում,
որով և մեր հոգւոյ կրից տրամադրութիւնը մեզ մըղում է
դէպի գազանավարութիւն, կայացած մսակերների բնոյթ
էութեամբ: Ուրեմն կամ սխալ է այն վկայութիւնը մարդ-
կանց վերաբերմամբ. որ ասուել է թէ սիրուն, գեղեցիկ
ու համաշափ կազմուածքի մէջ է ամփոփում, ազնիւ բա-
րուց ոգին-հոգին, և կամ այս վկայութիւնը մնացած է
շատ հին ժամանակներից, երբ մարդիք մօակեր չ'էին:

Հ ե Ղ Ի Ն ա կ

Արք. օրհասական պեղադոյնս
մարտնչին, հարին ոչ զգան, հար-
կանին ոչ իմանան:
„Եղիւ պատմագիր“

Երևանայ Սբ. Գրիգոր լուսաւորիչ եկեղեցւոյ
նախկին երեցփոխ պ. Դիմիտր Պոպովի մեր հաս-
ցէին թափած լուսանքը իւր № 9. հաշիւ Երե-
անայ ո. Գրիգոր լուսաւորիչ մայր Եկեղեցւոյ, յըն-
թացս 1909 թիւ գրքոյկով, տպագրուած ներկայ
1910 թիւ Դեկտեմբեր ամսում պ. Էմին տէր
Գրիգորեանցի տպարանում, թերթեցինք ու կար-
դացինք: Պ. Պոպովը իւր հաշուետետրով հան-
դէս է եկել իւր իսկ հոգեբանութեամբ, հարուա-
ծելով և քահանաներին, և կոնսիստորեային, և
Սինօդին, և աեղակալին և կաթողիկոսին և բոլոր
հայ ազգին, իրեն էլ հետը: Պ. Պոպովը այս
բոլորին ատելուց յետոյ՝ իրեն զցեց այն սխալ
ցնորքների մէջ. որ 1909 թ. Նոյեմբերի 4-ի գի-
շերը իւր նախկին ընկերոջ տունը խուզարկուեց,
'ի փափակ և 'ի պարծանս կրօնասէր և կարգա-
պահ երեցփոխ... Բայց մենք անցեալն էանց ասե-
լով՝ դիմացանք ու համբերեցինք, որ հերոստու-
թիւնից բղխած չարիքը մի կերպ խափանուի: Բայց

վրեժառութեան կիրքը, որ յատուկ է գիշատիչ կենդանիներին՝ չհանգա՞, չ՝մարեց մարդու ազնիւ հոգւոյն մէջ:

Մենք չ՛ենք խօսում. երեցփոխի պաշտօնին իշտահը սրած ու նմանների մասին, որից հանգամանքների բերմամբ լետ քաշուեց շատերից և ինձնից յարգուած պ. Դ. Պոպով և որի հայհոյանքներն ու զրպարտութիւնները յատուկ իմ վերաբերմամբ է, մի ինչ որ ինձ անհասկանալի գաղտնիքով: Յիշեալ հաշուեւտետրում Պապովը իւր չ՛եղած քաջագործութիւնները մատնահաշիւ տալուց լետոյ հայ հասարակութեանն է հաւարի կանչում, որ իւր շաղակրատ սիւսնների հրապուրանքներով տէր Գրիգորին յարսու փարս անել տայ, որ դադուած սիրտը հովանայ: Հաշուեւտետրում երես 8-ն պարոն Համբարձում Աղիզեանից ստացած յանուն լուսագնի 13 ռ. 40 կոպեկի փոխարէն գրել էր մատենանում ստացուեց 2 ռ. 50 կոպեկ ու այնպէս 1908 թուականի հաշուեւտետրում տպագրուած հրապարակել: Եւ երբ գոգոնը ՚ի լոյս հանուեց, այն ժամանակ Պապովը իւր ասելով արդարացաւ այդ գոգոնի մէջ այն կոնսիստորեալի միջոցով, որի ձեռքից մեր վերաբերմամբ իւր հաշուեւտետրում ետխայ է պատուում: Գրում է, Աղիզեանցին զօրով կանչել տուեցի կոնսիստորեայ, եւ վերջը իմացուեց ու պարոնը տէր Գրիգորի

ինչ որ ազգականն է նղել: Պապովը գարմանքների աշխարհում աչքախփուկ խաղալիս թող մտաբեր է և այն, որ համբարձում Աղիզեանից իւր գոգոնը ծածկելուն օգնութեան հասաւ այն ժամանակուան կոնսիստորեալի նախանշած Հմայակ վարդապետ տէր Բարսեղեանը. վերջը իմացուեց, որ վարդապետը Պապովի տան կնքահայրն է եղել. իսկ Աղիզեանցը ինձ ազգական չ՛է: Հաշուեւտետրում երես 9-ն ելք կամ ծախք տող 17 գրում է, Վնհափառ Հայրապետին հնոազքի եւ 15 փոշտի նաւակների 9 ռուբլի 61 կ: Ընթերցող հասարակութեանն ենք թողնում բնորոշելու պարոնի վարմունքը, մի շարաթուան մէջ 15 նամակներով և հեռագրով անհանգիստ անել Վաթողիկոսին և եկեղեցւոյ 9 ռուբլի 61 կոպէկը իւր կրքին զոհ տալը: Պարոնի նամակները և 62 խօսքից կազմած հեռագիրը, պատիւ ունեցանք թերթելու: Հայր Առաջնորդի մօտ՝ յանձնուած վեհափառ հայրապետից: 15 նամակները և հեռագիր կարդացողը, ինքը իրեն պիտի համարէ մի գեթանոցի գիրեկտօր...:

Եկեղեցւոյ գրութիւնը վերնագրով, իւր հաշուեւտետրում, ամբողջ հինգթերթ Պոպովը իւր նիւթած խնդրիքների պատմութիւնն է շռայլել, դնելով իմ վերալ 33 մեղադրական կէտեր: Թէեւ իւր ժամանակին հասկացրինք պարոնին, իրեն չ՛վերաբերուող իրաւանց դէմ ոտնձգութիւնների անհեթեթու

Թիւնները «տես 1908 թ. Հովիւ շաբաթաթերթի №№ 13, 15, 17, և 19. Բայց հերոսոտ մարդիք միշտ անցեալը մոռանում են: Կարևոր եմ համարում Պապովի իմ վերայ դրուած մեղադրանքներին պարզել հետեւեալը, այն է պարոն Արշակ Սարգսեանից ստացածս 6 ռ. 40 կոպէկ, և պարոն տէր Մկրտչեանից 7 ռուբլի լուսագին և եկեղեցում ջահեր վառելու փողերը ստանալուն պէս յանձնել եմ եկեղեցւոյ հոգաբարձու պարոն Պետրոս Յովհաննեսեանին և գրաւոր յայտարարութեամբ յայտնել եմ կոնսիստորեալին: Որովհետեւ պարոն Պապովը այդ ժամանակ ոչ թէ երիցփոխանութիւն էր անում եկեղեցւում, այլ իւր անդուլ ելու մտով մաշում էր ուրիշ հաստատութիւնների շէմքերը... Եկեղեցւոյ դրամ իւրացնելը երեցփոխը կարող է և ոչ թէ քահանան: Երեցփոխի պաշտօնավարութիւնը յատուկ անձնական է նա չ'ի կարող իւր պաշտօնը ուրիշին յանձնել: Որովհետեւ Պապովը ինքը ուրիշ բաներով զբաղուած՝ իւր երիցփոխանական պաշտօնը յանձնել էր Յովհաննէս Վարդանեանի անուն իւր համշխարակին: Կոնսիստորեայն այդ ապօրինի վարմունքը 'ի նկատի առած՝ ինձ հրամանագրեց պաշտօնը վարել, մինչեւ որ երիցփոխի ընտրութիւնը կայանալը: Պարոն Պապովի իմ վերայ բարդած մեղադրանքների մասին պատասխանելու փոխարէն բերում եմ, նոյն իսկ Պապովին վկայ, վկայ իմ մա-

սին, ինձ համար, հէնց այն մեղադրական ակտերը կազմել տալուց ու դատաւորներ կարգելուց հէնց մի տարի առաջ: Պապովը իւր և եկեղեցւոյ հոգաբարձութեան կողմից 20 ռուբլիանոց երկփեղկեան մի գեղեցիկ ալբոմ է ընծայում ինձ: Այլոսի ձախ փեղկի առաջին երեսի վերայ իւր ձեռքով մակագրած այսպիսի բառերով «տէր Գրիգոր աւագ քահանայ Սուքեսեանցին իւր արիաջան ծառայութեան համար սբ. Գրիգոր լուսաւորիչ եկեղեցւոյ, Երիցփոխ Դիմիտրի Պապով, Երևան»:

Հարց. եթէ ես տոգորուած ու կոլոլուած եմ եղել այնքան պակասութիւնների սւ ալլանդակութիւնների մէջ, որ աշխատել է մեզ Պապովը ցոյց տալ ժողովրդի առաջ, ինչու հոգաբարձութեան և երիցփոխը ինձ ալբոմ ընծայեցին իմ արիաջան ծառայութեանս համար: Ուրիշն եկեղեցւոյ հոգաբարձուներից և երեցփոխից ճանաչած արիաջան քահանան մի տարուան մէջ չ'ի կարող ծուլութեան, անկարողութեան և անիմաստութեան անդունդը գլորուել: Կամ նախկին երեցփոխ Պապովն ու եկեղեցւոյ հոգաբարձութեան են սխալուել ինձ ալբոմ ընծայելիս, և կամ Պապովն է իւր խելքը խարաբ արել վերջին մի տարուան մէջ: Պապովը ինքն էլ է խոստովանում ստացած, իւր հաշուատետրի երես 12. տող 10-ի մէջ ես և քահանաներս մինչև այդ «այսինքն 1909 թ. Մայիս» չափից դուրս

լաւ յարաբերութեան մէջ էինք և այլն: Անցնենք Պոպովի օտարաժ գատաւորներին ինչ գատապարտելու համար, այսքանը կասեմ, որ իւրաքանչիւր եկեղեցւոյ ծխականների իրաւունքն է եկեղեցւոյ նիւթականի, տնտեսականի և ծառայողների մասին կարգադրութիւններ անելու, կատարելու իրաւասութիւնը: Պ. Պոպովի ընտրած ութն գատաւորների ոչմէկը եկեղեցւոյ ծխականներից չ'էին, հետեւապէս նորանց արած քննութիւնը ու գտար ապօրինի էր, նոյնպէս և ապօրինի էր Պոպովի կայացրած 1909 թ. Մայիսեան ժողովը քաղաքացիներից, որը հէնց ապօրինի էլ ճանաչուեց ու ամենքը դուրս գնացին, իսկ ութն գատաւորների մասին լետոյ գրեւեւ ու շուկայում ստորագրութիւնք հաւաքելը Պոպովի փութկոտութեամբ նոյնպէս ապօրինի էր: Իմ կողմից պ. պ. գատաւորներին դատի կանչելու գործը լետ վերառալ գատարանից բարձրադատիւ Մատթէոս վարդապետի պատուէրով «Իմա Կաթողիկոսի»: Գալով Պոպովի հաշուետետրում շեշտած երես 17, վերջին տողը քամակից կայցրել էր տէր Գրիգորի ինչ որ մեր գուշակած մեղայականը հինգ մարդու ստորագրած խնդիրքի հետ միասին և այլն: «Հինգ մարդիքը իրեն սարքած դատաւորներիցն էին» Այդ մեղայականի մէջ թափած արցունքներին հաստատով ներել էր վեհափառը և այլն: Պոպովի երեւակայած

մեղայականին ես ուղղայ եմ անուանում: Այլ այն որ արդարեւ պատահել ու պատահում են ոչ թէ միայն ինչ, այլ թէ բոլոր քահանաներին, որ անընդհատ ու միշտ եկեղեցի յաճախել չ'են կարողանում զանազան պատճառներով, որի մէջ գտնուել եմ և ես. եթէ այդ է Պոպովի վրդովման տրտնջումը ու իմ դէմ զրգուելու պատճառը, դորա համար խօսքեմ տալիս, որ այդ թերին լրացնիմ: Ս. հա սա է եղել այն գիրը, որը ես տուել եմ հայր Մատթէոս վարդապետին, որ Պոպովի հարալ հրոցի ձայնը կտրուէր վեհի տկանջից և թէ դաւի զալմաղալին վերջ դրուէր: Բայց այսպիսի մի գիր տալը չ'է նշանակում մեղայական: Հաշուետետրի երես 4. Պարոնը սանձարձակ կերպով կուպիտ. բռն հայհոյանքներ թափելուց լետոյ՝ բոլոր հոգեւորականութեան հասցէին, անուանում է նորանց տղէտ, անամօթ ու լիրբ: Յետոյ ինքն իրեն հարց է տալիս, ինչի են պէտք այդպիսի հոգեւորականները կամ Աստուծոն կամ մարդկանց: Եկեղեցին դառել է մեր հոգեւորականութեան համար միայն ծխական տարութեանց պաշտօնավայր: Աւելացնում է չ'եմ ուզում ասել զանազան տեղակ. մնալիս պաշտութեանց մասին, որոնք մն գործել վեր եկեղեցում, շնորհիւ ժամանակի ոչ պակաս տղէտ հոգեւորականութեան. պատասխանը այսէ՛: Մենք մեզ իրաւունք չ'ենք համարում Պոպովի հայհոյանքներին հայ-

հոյանքով պատասխանել, միայն այսքանը կասենք, որ իւրաքանչիւր մարդ ինքը իրեն նման կ'իսօսի, օրինակ ազնաւը՝ սոխակ, կամ բուէճը՝ ծիծառ դռնալ չէն կարող: Հարկաւ Պապովի և նմաններից ամբաստանուած հոգեւորականները ոչ Աստծուն են պէտք և ոչ մարդկանց, իսկ ինքը պարոն Պապովը և Աստծուն է պէտք իւր ճոխ հայհոյանքներով և մարդկանց է պէտք, մանաւանդ երեւանցիներին իւր հայ լեզուի ուսուցչութեամբ տեղւոյս գիմնաղիայում: Պարոն Պապովին միանգամ ընդ միշտ հաւատեացնումենք, որ մեր եկեղեցում ոչ մի ոնոտիապաշտութիւն մուտք չ'է գործել ու չ'կայ էլ: Այլ մի քանի նորաձև պատկերներ, որ յատուկ Զեր ջանքերով, ձեր երիցփոխանութեան ժամանակ մտցրիք Ս. լուսաւորիչ եկեղեցին որպէս չարքարանք, այդ է նորամուծն ու ոնոտիապաշտականը, որ դուք մըտցրեցիք եկեղեցւոյ մէջ և ոչ ձեր ակնարկած տգէտ հոգեւորականները, բայց այդ էլ գիտուն մարդու խելքի բան չ'էր:

Գիտուն մարդու բան չ'էր և այն, որ երիցփոխը տէր-տէրների վերայ հերստած՝ բարկացած՝ իւր հրաժարականն ու երիցփոխանական արկղի բանալիները կոնսիստորեայի ու Սինոդի վերայից լոք տալով՝ ուղարկում է վեհափառ կաթողիկոսին և նամակով՝ հեռագիրներով հանդերձ, և դեռ այդպիսի արարքը պարծանքով է շնչտում իւր

հաշուետետրի մէջ: Պետական ու եկեղեցական օրինաց տրամադրութեամբ երիցփոխը միայն եկեղեցւոյ տնտեսականի իրաւասուն է: Բայց Պապովը մէջ ընկաւ ու խառնուեց խառնշտորեց և քահանաների իրաւաստութեան, և կոնսիստորեայի, և Սինոդի, և Տեղակալի, և Կաթողիկոսի, և ոստիկանատների, և նահանգապետի և այլն: Քրտնաձխած չարչարուեց ժողովրդեան զրգիւ ստեղծել իւր թայֆաներով, բայց ՚ի հարկէ ոչինչ չ'ը շահուեց և այս բոլորը ՚ի հարկէ գիտուն, խելօք, ամօթխած ու պարկեշտ մարդու արարք չ'էր: Պ. Պապովի հաշուետետրի լաւաշաբանից քաղումենք հետեւալ դիտողութիւնները: Բոլոր լուսատրեայ երկրներում, որ կողմ որ նայէք, ամեն մի հիմնարկութիւն, կամ ամեն մի պաշտօնեայ լինին դորանք պետական կամ հասարակական, ենթարկուած են որոշ հսկողութեան պատասխանատւութեան իրենց գործովարութեան համեմատ ինչքան քարծր է պաշտօնը, այնքան մեծ է պատասխանատւութիւնը: Մինչդեռ մեզանում այդպիսի քանի վերաբերեալ դիտողութեան անգամ կարծես ծաղրի է ենթարկուած: Դորան կ'պատասխանենք այսպէս. — Այո՛ ճիշտ և իրաւացի է ձեր դիտողութիւնը հէնց գլխաւորապէս ձեր հայ լեզուից ուսուցչութեան պաշտօնի մասին՝ տեղւոյս արական Գիմնաղիայում: Պարոն Պապով, դուք հայ

լեզուի ուսուցչութեան ինչ ցենզ, արտօնութիւն
ուներք: Ո՛ր հայ դպրոցն էք աւարտել: Զի որ Ռուսաց
ուսուցչական սինենարիայն հայ լեզուի ու
սուցման ցենզ չ'ի տալիս իւր սաներին: Իսկ դուք
որ իրաւամբ քիթ էք պարզել ու տեղաւորուել
Գիմնազեայում հայ լեզուի ուսուցման ուսուցչի
պատասխանատու պաշտօնում: Դուք հայերէն գի-
տէք, որ կարողանաք հայ մանկանցն ալբուրէնը
սովորեցնել: Զեր այդպիսի կապուտ կողոպուտի
սնունն ինչ է: Լրագրութեան մէջ անգամ խոս-
տովանեցան ձեր այդ չափուչառի մասին, բայց
դուք էլի մնում էք նոյն հիմնարկութեան մէջ որ-
պէս հայ լեզուի ուսուցիչ խեղճ ու կրակ հայ սա-
ների: Բերանիցդ մինչև ականջներդ որքան հե-
ռաւորութիւն կայ: Երեւի ձեր առածը Դուք կամ
չ'էք լսում կամ քառանկաջի էք տալիս: Աւետա-
րանի պատուէրն է այս, կեղծաւոր, հան նախ զգե-
րանդ յականէ քումմէ և ապա հայեսցիս հանել
զշիղական եղբօր քոյ:

U b r g u B u v


Ամառ ժամանակ երկու թորաքեամայ թուրքեր մոթալի տկերով երկու եղջեր բարձած քաղաք էին բերում ծախելու, սարից ցած իջնելով պատահեցին մի հեղիղատի: Թուրքերից մինը իւր եզը ցամաք հեղիղատից անցկացրեց միւս կող-

մը: Իսկ միւս թուրքը իւր եղնով հեղիղատի մէջ տեղն էր, որ հեղեղը վրայ տուեց եղը գլորուեց, մոթալները հեղեղը տանոււմ էր, թուրքը ջանք էր անոււմ բռնել մոթալի տկերից մինը գոնէ, ձեռքը գցեց ու բռնեց բրդոտ տիկը, բայց տիկը ոչ թէ մոթալի տիկն էր, այլ վերեւից հեղեղի մէջ ընկած մի արջ, որ գլորուելով հասել էր թուրքին ու իրար առան թուրքն ու արջը: Մինը միւսին ջրի տակը խրելով հեղեղի հոսանքի հետ գլորվում էին: Թուրքի ընկերը ցամաքից ձայն է տալիս, Հասան, ձեռք քաշիր մոթալից, հեղեղը շատանում է դուրս արի, կ'սեղդուես» Հասանը պատասխանում էս մոթալից ձեռք եմ քաշել, մոթալը ինձնից ձեռք չ'ի քաշում: Թուրքերէնը այսպէս է ման մոթալտան այ չաքմիշամ, մոթալ մաննան այ չաքմիր:

Չ. 42-ն Դեկտեմբերի 1910 թ. Երեւան Գրիգոր ա-
լազ Քահանայ Սուրբասանց:



4858



<< Ազգային գրադարան



NL0031401

4528

